

NEWSPAPER CLIPPING

Date	:	19 Februari 2018
Title	:	MTAABS prihatin ringan beban mangsa kebakaran
Publication	:	Sinar Harian Online
Page	:	

PAHANG

MTAABS prihatin ringan beban mangsa kebakaran

NIK AMIRULMU'MIN NIK MIN
19 FEBRUARI 2018



NEWSPAPER CLIPPING

Date	: 19 Februari 2018
Title	: MTAABS prihatin ringan beban mangsa kebakaran
Publication	: Sinar Harian Online
Page	:

KUANTAN - Musibah menimpa sembilan sekeluarga yang hilang tempat tinggal selepas rumah mereka di Bukit Ibam, Muadzam Shah musnah dalam kebakaran, 10 Februari lalu terus mendapat perhatian pelbagai pihak.

Prihatin atas nasib keluarga itu, Masjid Tengku Ampuan Afzan, Bandar Satelit (MTAABS), Muadzam Shah antara yang tampil membantu meringankan beban ditanggung keluarga Che Ramlah Husin, 63.

Melalui program ziarah dan sumbangan bantuan yang diadakan kelmarin, MTAABS tampil menghulurkan sumbangan yang dikumpulkan pihak masjid kepada mangsa.

Pengerusi Masjid, Dr Khairulnizam Mat Karim berkata, program itu salah satu program khidmat masyarakat anjuran masjid di bawah jenama 'MTAABS Prihatin'.





NEWSPAPER CLIPPING

Date	:	19 Februari 2018
Title	:	MTAABS prihatin ringan beban mangsa kebakaran
Publication	:	Sinar Harian Online
Page	:	



Dr Khairulnizam meninjau tapak rumah mangsa yang terbakar.

Menurutnya, antara barangan yang disumbangkan kepada mangsa termasuk wang tunai, pakaian, barangan keperluan harian dan perkakas dapur.

"Memandangkan keluarga ini turut mempunyai bayi berusia sembilan bulan, kita turut sumbang pakaian dan lampin bayi serta susu," katanya.

Beliau berkata, program ziarah itu turut disertai tiga organisasi lain iaitu dari Universiti Tenaga Nasional (Uniten) Kampus Muadzam Shah, Pelitawanis TNB Muadzam Shah dan Persatuan Kebajikan Pekerja Islam TNB Muadzam Shah.

"Selaku pengerusi masjid, saya mewakili barisan ahli jawatankuasa merakamkan jutaan terima kasih kepada seluruh penyumbang dan ahli kariah sehingga program khidmat masyarakat ini dapat direalisasikan.

"Che Ramlah sekeluarga sangat terharu dengan bantuan yang dihulurkan pihak MTAABS dan dia bersyukur kepada ALLAH SWT atas keprihatinan masyarakat bersama-sama membantu meringankan beban ditanggung," katanya.

Orang ramai yang ingin menyumbang ke tabung MTAABS boleh hulu ke akaun Bank Islam 0606-401002-0008 (Masjid Tengku Ampuan Afzan Bandar Satelit.